

Gui'ch ni guxhaal San Pabl loj ree bén Galacia rliladx Jesucrist

Rugajpdioz San Pabl bén
rliladx ree Jesucrist

1 Naj Pab najn apóstol, per ad bénguidxliujt bacaabee naj ad laa tēēt reeman guxhaal naj, najn apóstol por Jesucrist nē por dux Dad ree Dios bén basban laaman loj guialgūjt. ²Gra ree dux compniar ree bén za' ree guie con naj ragajpdiozan lējt najdi bén rliladx Jesucrist niz Galacia. ³Dux Dad ree Dios nē Dad Jesucrist gūünle' lējt yabe'cdxe tēē reeman luxdoodi. ⁴Jesucrist gūjt por dux tol ree persi babēēman dunuj ree loj gra ree ni mal ni yu' loj guidxliuj guie zi'c goc xixgab dux Dad ree Dios. ⁵Zeel rayalczi yaya'p reeman respejt zianczi. Amén

Achetri diidx ren ni zajc
yabēē dunuj ree loj dol

⁶Dád radxalon guial dád cari cabēēladxidi xtiidx Dios, abi' laaman guial rēn Jesucrist lējt zeel gurejdxaman lējt. Per lējt diidx ren ma ridxga'di ⁷abi' ni'quid xtiidx Diosan. Diidxliczi yu' ree bén rēn gagdxadi abi' rēn reeman guchaa reeman zi'c naj xtiidx Cristo. ⁸Per

bal yu' bén rulüü lējt diidx ren ree guial loj ree diidx ni ma balün lējt par gaquidi perdon, laaman ma rayal xcasti Dios, majsi chutēēznin majsi naj gajc o majsi tijb xi anjl Dios. ⁹Zi'c ma rnin lējt abi' yan ma rninan zatijb: Bal chu rulüü lējt diidx ren ree guial loj xtiidx Cristo ni ma bililadxidi, laaman ma rayal xcasti Dios.

¹⁰Ad raguiltan mod guial yaya'nán zagdxre loj ree bénguidxliuj, rünan naguiejn din yaya'nán zagdxre loj Dios. Din bal gūnan naguiejn yaya'nán zagdxre loj ree bénguidxliuj dxel ad cuzobtran xtiidx Cristo.

Xhienaag gojc zeel gojc Pab apóstol

¹¹Compniar raliduladx ree Jesucrist, rēnan gagbeedi guial xtiidx Cristo ni ma balün lējt ad bénguidxliujt gulēēguije laan. ¹²Abi' ad cwa'tanan ad basid tēētan laan por bénguidxliuj, Jesucrist gajc naj bén balüü laan naj.

¹³Lējt ma biguiejn guial chi guyu'n loj xreligion ree bén Israel, guzunaalan bén rliladx ree xtiidx Dios din gūnan laa reeman ni mal abi' benan naguiejn din gusa'n ni

rliladx reeman. ¹⁴Abi' naj mazri guzudxi'chan loj religion guin guial loj ree lasa' zidnë'n tijbzi guial benan naguiejn benan gra ree xcostumbr ree dux béngulalan.

¹⁵Per guial rën Dios naj, diizd chi gadan guial loj guidxliuj mal gulejman naj. Dxel chi beenman xgab. ¹⁶Balüüloj xi'nman lon din gatiechan xtiidxza'caman loj ree bén ad najt bén Israel. Abi' chi goc zian achut loj bignabdiidxan, ¹⁷ad watan Jerusalén nignan bén ma naj ree xi apóstoles Jesús gocli diizd chi gadan gac xi apóstol Jesús, laa wa gajcan niz Arabia dxel baye'can niz Damasco stijb.

¹⁸Chi goc choon ijz dxel wan Jerusalén persi benbeen Bëd abi' guzun con laaman chiin gubijdx.

¹⁹Per achut apóstol ren baguiaan tijbzi Jacob bijch Dad Jesucrist.

²⁰Gra ni canin lëjt naj diidxli abi' Dios ragbeechaaw guial ad rusquieetan.

²¹Dxelri wan niz Siria në niz Silicia. ²²Per ree bén rliladx Cristo, bén zojb ree niz Judea ad wayünbeet reeman naj nadxel.

²³Rguiejnzi reeman rëb ree bejn: "Bén guzunal dunuj ree yaloj par güünman dunuj ree ni mal yan ma catie'chaman xtiidx Jesucrist, majsi yaloj beenman naguiejn din yasa'n ree ni raliduladx ree Jesucrist."

²⁴Abi' rudëë reeman quixtëë loj Dios guial në naj ma rliladx Cristo.

Bachajg Pab bén naj ree apóstoles

2 Chi goc chidaj ijz, dxel wan Jerusalén zatijb. Binë'n Bernabé con Tito, ²din Dios na guial gan ni. Abi' Jerusalén guin

badxaag dulasa'n tijb luar con ganax ree bén rniabee loj ree xbejn Cristo persi benë'n laa reeman diidx por xtiidx Jesucrist ni culün bén ad najt ree bén Israel. Benan zian din ad rëntan guial ni ma benan o ni cayünan gacan dxiin xlia'. ³Per ni'qui Tito bén guzu ni con naj, majsi najman bén grieg ad beent reeman laaman naguiejn chu'man sen ni ru ree bén Israel.

⁴Din guyu tio'p choon ree bén Israel been reeman zi'c ruluü naj reeman dux compniaran persi gojc bachajg reeman dunujn par gula'ch reeman conin ad raguieentran guial ma raliduladxan Jesucrist din gac nabee reeman dunujn yaguieenan zi'c rniabee ley. ⁵Per ni'czi tibda'n ad batiëjbtan nüjn reeman dunujn gan, din ad rayëntan cwëeladxidi xtiidxli Jesucrist ni ma zinalidi.

⁶Abi' ree bén rniabee loj ree xbejn Jesucrist achetri na reeman lon guial rayal günan, majsi chutëëz naj reeman din delant loj Dios tiblojzi naj bejn. ⁷Luar ninia reeman xhie mazri nünan, laa gogbee gajc reeman guial Dios gulej naj din gatiechan xtiidxza'c Jesucrist loj ree bén ad najt bén Israel, zi'cgajc gulejman Bëd din guitie'chaman diidxza'c guin ree loj ree bén Israel. ⁸Abi' Dios bén bacaabee gajc Bëd din gacaman apóstol loj ree bén Israel, laagajcaman bacaabee naj din gacan apóstol loj ree bén ad najt bén Israel.

⁹Zeel Jacob, Bëd con Waj bén rniabee ree mazri loj ree bén rliladx Jesucrist, gogbee gajc reeman guial Dios naj bén banee naj guialrniabee guin. Abi' banee

yaa reeman zi'c tijb sen guial ma nayajcan compniar guial ma za' t́eē reeman conform guial naj con Bernab́e yugliūūn b́en ad najt ree b́en Israel, guiáad laa reeman guliūū reeman b́en Israel ree. ¹⁰Ni gunabzi reeman du lojn din yaguieenan yudar b́enprob ree, abi' laan naj ni ruladxan gūnan.

Gudilē Pab B́ed

¹¹Per chi we B́ed guiedx Antioquía, dxel gudilē'n laaman guial ad cayūjntaman zi'c rayal. ¹²Guial yaloj gudawnēman b́en ad najt ree b́en Israel. Per chi bidxin ree b́en guxhaal Jacob guiedx Antioquía, dxel ad bachajgraman b́en ad najt ree b́en Israel guial bidxebaman xhie niējb ree b́en zinal ley. ¹³Nē los demazri ree b́en Israel b́en rliadx ree Jesucrist b́en zojb ree ni nē reeman been zi'c been B́ed abi' xt nē Bernab́e been zian. ¹⁴Zeel chi baguian guial ad cayūjnt reeman zi'c rēb loj xtiidzxa'c Jesucrist, dxel rēn loj B́ed delant loj gra reeman: “Lūj najl b́en Israel abi' ad nabantil zi'c laa reeman, ¿chexc zeel rūjnl naguiejn guiban ree b́en ad najt ree b́en Israel zi'c naban ree b́en Israel?”

Guialrliadx Jesús rabēē bejn loj dol

¹⁵Dunuj ree nayajc ree b́en Israel diizd chi bayajl ree abi' ad yu't dxej babajn ree sin xley Dios zi'c ree b́en ad najt b́en Israel. ¹⁶Per dunuj ree rayagbee guial achut zajc gac naya niz loj Dios por guial zinal bejn ley, gacaman naya guial rliadxaman Jesucrist. Zeel nē dunuj ree ma raliduladx Jesucrist din yayajc ree

naya delant lojman guial raliduladx reeman, ad guial cayguieent ree zi'c rniabee ley. Din achut zajc gac naya delant loj Dios guial zinalaman ley.

¹⁷Yan bal cayguieen ree naguiejn yayajc ree naya delant loj Dios, laan ruliūū dunuj ree guial nayajcqui ree b́endol, ¿wen mazri b́endol cayūjn Cristo dunuj ree ya? iDunuj ree rayagbee guial ad ziantan! ¹⁸Din bal ma basa'nan xley Moisejs, abi' yaye'can con ley guin zatijb dxel naj gajc cayūn naj b́endol. ¹⁹Zeel ma basa'nan ley guin din gabajnan par Dios. ²⁰Abi' rūnan cwent guial nē naj gūjt chi gūt Cristo loj crūjz dxel ad nabantri da xtijban, ma nabannē'n Cristo. Abi' yan zi'c nabanan, ma nabanan zi'c rliadxan Xi'n Dios, b́en rēn naj gūjt t́eēman por naj. ²¹Abi' ad rūntan tiblax guial rēn Dios dunuj ree, din bal nile' niajc bejn naya niz loj Dios guial rūjn bejn zi'c rniabee xley Moisejs dxel achetri lasajc guial gūjt Cristo.”

Guialrliadx Jesucrist rquied dol

3 iB́en Galacia, chexc zeel ad radēdguientidi! ¿Chu bascajy xquiarguiejndi? Awa chi balūn lējt, delant loj gradi bagojnan lējt par xhie gūjt Cristo loj crūjz. ²Yan rēnzán gagbeen: ¿Nabannēdi xSprijt Dios ya guial rūjndi zi'c rniabee xley Moisejs o por guial rliadxidi xtiidx Jesucrist ni ma bacaagdiajguidi? ³Xixpi nadidi zeel awa ma nabannēdi xSprijt Dios abi' yan naladxidi guial din yayaaloj gaquidi zi'c rēn Dios rayal chinalidi ley. ⁴¿Wen achet lasajc guialrzagdiaj ni gudēdidi

ya, o guzagdiaj xlia'zidi ya? ⁵Chi runee Dios xSprijtaman lojdi abi' rijnman milagr ree delant lojdi, ́wen rijnman zian ya por guial zinalidi xley Moisejs o por guial ma bililadxidi xtiidz Jesucrist ni ma bacaagdiajguidi?

⁶Gol basaaladx guial Abraham por guial bililadxaman Dios, been Dios laaman cwent zi'c tijb b́en ad wayujnt dol. ⁷Zeel gol gogbee guial gra ree b́en rliadx Dios, laa reeman naj zi'c xi'n Abraham. ⁸Diidz gocli mal ragbee Dios guial majsi loj ree b́en ad najt b́en Israel yu' ree b́en ǵunman cwent zi'c b́en ad wayujnt dol guial rliadx reeman laaman. Din tiblajt loj xtiidxaman ŕb guial ŕbaman loj Abraham: “Ǵunle'n gra ree b́enguidxliuj por luj.” ⁹Zeel rijnle' Dios gra ree b́en rliadx laaman zi'cgajc beenle'man Abraham guial bililadxaman laaman.

¹⁰Gra ree b́en zinal xley Moisejs yu' casti par laa reeman din loj gajc libr ley guin ŕb: “B́en ad zinalt ǵun gra zi'cgajczi ŕb loj ley guin, yayalaman casti.” ¹¹Zeel rayagbee ree ad zile't gac bejn naya loj Dios por guial rijnman zi'c rniabee ley. Din loj xtiidz Dios ŕb: “B́en rliadx Dios rajpaman guialnaban delant lojman guial ma nijnman laaman cwent sin dol.” ¹²Per ley guin ad rniabtán chililadx bejn laan, loj libr ley guin ŕb: “B́en ǵun zi'c gajczi rniabee ley, zajpaman guialnaban.”

¹³Jesucrist badxi'ca dunuj ree loj xmaldicion ley din laaman bayal casti ni rayal ree por ley guin, din loj libr ley guin ŕb: “Ma źe maldicion guijc b́en ŕjt loj

crujz.” ¹⁴Zian guzajc Jesucrist par chile' ǵunle' Dios b́en ad najt ree b́en Israel, zi'c beenle'man Abraham. Abi' guial rliadx reeman Jesucrist zeel ma naban reeman con xSprijt Dios zi'c tal ŕb Dios diidz guial'xchej.

Xley Moisejs ńe xpromejs Dios

¹⁵Yan compniar raliduladx ree Jesucrist ganin ĺjt xhienaag rijn ree b́enguidxliuj: Chi rajs tijb gui'ch abi' rgu' bejn laan firm, dxel achut zajc guse'n laan o gucaa guijc ree diidz ni ca loj gui'ch guin. ¹⁶Ziangajc gol gogbee, chi been Dios promejs guial ǵunle'man Abraham con xdiaaman, ad ŕbt loj xtiidz Dios guial ǵunle'man “b́en źed ree” loj xdiaa Abraham. Ad ŕbtan zien bejn, ŕban tijbzi bejn, din laaman ŕb ǵunle'n “B́en źed” loj xdiaaman. Abi' b́en źed loj xdiaaman laaman naj Cristo. ¹⁷Abi' ni canin ĺjt naj guial xley Moisejs bi'tan tajpgayuu gajlbichii ijz despuejs ni been Dios promejs con Abraham, zeel ad zajct guse'n ley guin promejs ni ma been Dios. ¹⁸Din bal par yaca' ree ni ŕb Dios loj Abraham rayal yaguieen ree zi'c rniabee ley, dxel ad promejstran. Per Dios bazaladx loj Abraham ni ŕbaman por promejs ni beenman lojman.

¹⁹Wed zanabdiidxidi lon, ́par xhieza rijn ley guin sirv? Bad́e Dios ley guin din gagbee bejn guial najman b́ndol, abi' been ley guin sirv xt dxej ni bi't b́en źed loj xdiaa Abraham zi'c tal been Dios promejs con laaman diidz guial'xchej. B́en naj ree xianjl

Dios badëe ley guin loj Moisejs, abi' Moisejs badëed laan loj ree bejn. ²⁰Per chi been Dios promejs con Abraham achutczi badëed xtiidxaman, quijb laaman guneenë Abraham.

Xhie sirv rüjn ley

²¹Ad naladxidi canin guial ley guin za' contr xpromejs Dios. Canin bal por ley guin zajc gap bejn guialnaban delant loj Dios, dxel ma ragbee bejn guial ma nayaman loj Dios guial zinalaman ley. Per ad ziantan ²²din loj xtiidx Dios rëb guial dol rniabee gra bejn din gra ree b́en chililadx Jesucrist tia' reeman gra ni rëb Dios.

²³Chi gad guialrliladx Jesucrist guidoonloj, gunabee ley dunuj ree, zi'c chi nayaaw bejn balëez ree guidoonloj guialrliladx Jesucrist. ²⁴Zeel par dunuj ree ley guin naj ni balüü dunuj ree xhienaag yabajn ree abi' gunabeen dunuj ree xt dxej ni baguieenbee ree Jesucrist din güünman dunuj ree cwent zi'c tijb b́en ni ad wayüjnt dol guial raliduladx ree laaman. ²⁵Per yan guial ma raliduladx ree Jesucrist ad rüjntri naguiejn guluü ley guin dunuj ree.

²⁶Din guial raliduladx ree Jesucrist ma nayajc ree xi'n Dios. ²⁷Abi' guial barobnijs ree por Jesucrist zeel ma nayajc ree tijbzi con laaman din ma nabajnnë' reeman. ²⁸Abi' zi'c b́en Israel zi'c b́en ad najt b́en Israel, zi'c b́en naj zi'c b́en nado' zi'c b́en ad najt zi'c b́en nado', zi'c xinguaaw zi'c b́engunaa, par Cristo tiblojzi nayajc ree din ma nayajc ree tijbzi con

laaman. ²⁹Zeel bal ma nayajc ree xbejn Cristo dxel ma nayajc ree zi'cgajc xi'n Abraham abi' yayal ree ni rëb Dios loj Abraham diidz gulal.

4 Ni canin naj: Zi'c tijb xindo rayal ni rajp xdadix, la'tgaj najx xindoo achet gualrniabee rajpix, zi'cgajc tijb mojs, majsi xieenx naj gra ni rajp xdadix. ²Abi' yu' ree b́en rajp laax yu' tëe ree b́en rniabee laax në ree ni rajpix, xt chi guidxin dxej ni rëb xdadix tia'x ni rayalix. ³Ziangajc dunuj ree, zi'c tijb xindoo bayajc ree yaloj guial bunaaldxi'ch ree gra ree xcostumbr ree b́enguidxliuj. ⁴Abi' chi bidxin dxej gojc zi'c rëb Dios gac, guxhaal xi'nman Jesucrist loj guidxliuj guie, tijb b́enguidxliuj gojc xniaaman. Abi' gubajnman zi'c rniabee ley ni basa'n Moisejs duloj ree ⁵persi bile' babëëman dunuj ree loj ley guin bile' tëe nayajc ree Xi'n Dios.

⁶Abi' guial nayajc ree xi'n Dios, guxhaalaman xSprijt Jesucrist persi nabajnnë' reeman, abi' por Sprijt guin raguie'ch ree: "iDux Dad ree Dios!" ⁷Zeel ad nayajctri ree zi'c mojs, ma nayajc ree xi'n Dios, ma rayal ree ni gunee Dios por Cristo.

Yu' Pab xgab por ree b́en rliladx Jesucrist

⁸Yaloj chi gadidi güünbee quijb Dios, beendi sirv loj ree ni naladxidi naj Dios, per diidxli ad Diost reen. ⁹Per yan guial ma nünbeedi Dios o guial ma nünbeeman lëjt, çchexc zeel rëndi yabi'di güündi graloj ni ad rüjnt sirv ni beendi yaloj? ÇChexc zeel rëndi gaquidi zi'c b́en nado' loj ree ni guin ree zatijb? ¹⁰Abi' yan guial

sta zinēdi cwent xhie dxej o xhie bēew o xhie tiamp o xhie iǝz naj ni zojbloj par lējt par gūündi xhienin zi'c goc xcostumbridi. ¹¹Dád rdxeban por lējt, doolgui basid xlia'zan lējt.

¹²Zeel rniaaban lojdi compniar raliduladx ree Jesucrist, gol gubajn zi'c nabanán, zi'c benán persi gogbeedi guial tiblojzi nayajc ree. Ad canitan lojdi guial xhie ni mal ma beendi naj ¹³din lējt ragbee guial yalój chi basidan lējt xtiidxza'c Jesucrist, ragxuun nadxel. ¹⁴Per majsi zian, gudaandi naj. Ad beentidi naj tiblād ad gulēēladx tēētidi naj, bidxga'di naj zi'c tijb xianjl Dios o zi'cgajc Jesucrist. ¹⁵Naj ragbee guial bal zile'n xt guiaalójdi zajc cwēēdi par guneedan lon. Laadx yan, ¿conzan guial rabaanēdi naj? ¹⁶¿O al rdxe'chidi naj ya guial rnin ni naj diidxli lojdi?

¹⁷Rnin lojdi guial ree b́en cayūjn naguiejn guial guidxga'di xtiidx reeman, ad zagdxet rēn reeman lējt, xixgab reeman naj din gusa'ndi ni basidan lējt abi' mazri guidxga'di xtiidx reeman. ¹⁸Ad ni malt naj guial guiēn bejn lasa' bejnman, per par ni zagdxe nē zianczi, ad chi za'tzan con lējt. ¹⁹Par naj lējt naj zi'c da xi'nán. Abi' cazaagdiajn por lējt zatijb, zi'c rzagdiaj tijb b́engunaa chi rajl xi'nman. Abi' gusnuu gazaagdiajn xt chi ma zinalidi Jesucrist diidxli zi'c rayal. ²⁰iBal zianclaa za'n con lējt din ganen'n quijb lējt, per yan ad ragbeetan xhienaag gūnnē'n lējt!

Agar con Sara

²¹Per gol guna, lējt b́en rēn ree guiban zi'c rniabee ley. ¿Wen

id wayignia'di ni rēb loj ley ya?

²²Loj ley rēb guial guyu tio'p xi'n Abraham: Guyu xi'nman con tijb b́engunaa brii laj Agar b́en goc xmojsaman, guyu tēē stijb xi'nman con quijb xb́engunaaman b́en brii laj Sara. ²³Xi'n Abraham con b́engunaa goc xmojsaman, guyux guial b́agaal Abraham laaman. Per xi'nman xin guyu con quijb xb́engunaaman guyux ad por guial b́agaaltzi Abraham xb́engunaaman, nē par gac cumplid promejs ni been Dios lojman. ²⁴Yan, Sara nē Agar laa reeman naj ejempl por tio'p nejz ni yu' par chinal bejn. Tijb nejz guin naj guial chinal bejn ley ni badēēd Dios loj Moisejs ruguia' Sinaí, abi' b́en zinal ree ley guin naj reeman zi'c b́en nado' loj ley guin zi'c goc Agar loj Abraham. ²⁵Lējt ragbee guial niz Arabia naj guia' Sinaí, abi' ree b́en niz ni rniee reeman guia' guin Agar. Per yan Jerusalén naj zi'c guia' guin, din gra ree b́en zēēd niz Jerusalén, b́en zinal ree ley, laa reeman naj zi'c b́en nado' loj ley. ²⁶Per dunuj ree du ladx ree naj Jerusalén ni yu' xanyabaa abi' Jerusalén guin ad najtan zi'c ni nado' loj ley guin zi'c ad gojct Sara loj Abraham. ²⁷Loj xtiidx Dios rēb:

Babaa b́engunaa ni ad zajct chu' xi'n.

Babaa da't guial ad nūnbeetil guialrzagdiaj ni rdēd b́engunaa ni rajl xi'n. Din b́en ad rut xi'n, mazri zien xi'nman chu' guial loj b́en ru xi'n.

²⁸Rnin lojdi compniar raliduladx ree Jesucrist, zi'c gol Isaac guial

bililadx Abraham xtiidx Dios guial gac zian, ziangajc dunuj ree ma nayajc ree xi'n Dios guial raliduladx ree xtiidxaman. ²⁹Abi' ĺen ree dxejzii, xi'n Agar baze'x xi'n quijb xb́engunaa Abraham, ziangajc yan b́en zinal ree ley ruze' reeman dunuj ree nabajnné' ree xSprijt Dios, guial ma nayajc ree xi'n Dios, ³⁰Per, ¿xhie ŕeb loj xtiidx Dios? Ŕeban: “Balaagdxa xmojsil con guidib xi'nman, din ad rayalt gac tio'p lala' ni rayal tia' xi'n quijb xb́engunaa.” ³¹Zeel compniar raliduladx ree Jesucrist, dunuj ree ad nayajct ree zi'c xi'n b́en naj zi'c b́en nado' guin, nayajc ree zi'c xi'n quijb xb́engunaa Abraham guial ad rniabeet ley dunuj ree.

**Gol guzujdxi'ch loj ni
rliladxidi xtiidx Dios**

5 Cristo naj b́en babéé dunuj ree loj ni rniabee ley dunuj ree. Zeel gol guzujdxi'ch, ad bal guibandi zatijb zi'c b́en nado' guial güüнди zi'c rniabee ley.

²Naj Pab rnin léjt. Bal rudi sen zi'c rniabee ley, achet lasajc guial rliladxidi Jesucrist. ³Abi' rnin léjt zatijb: Chutééz b́en ru sen guin rayal güünman zi'c tal rniabee ley. ⁴Léjt guial rüjndi xgab guial güüнди zi'c rniabee ley ma najdi naya delant loj Dios, laan ŕen guiéb guial ad najtridi xbejn Cristo ad yu'guijc t́eétridi guial ŕen Dios léjt. ⁵Per dunuj ree por xSprijt Dios ńe guial raliduladx ree Jesucrist nadxu'guijc ree guial yadxin ree naya delant loj Dios. ⁶Din chi ma naj bejn tijbzi con Cristo achet lasajc bal yu'man sen o ad yu'taman sen. Ni mazri

lasajc naj guial chililadxaman Cristo. Abi' por gualrliladx guin zajc yabajn ree zagdxe yaýen dulasa' ree. ⁷Léjt ma źedi zagdxe. ¿Chu na lojdi guial ad zidxga'tidi ni naj diidxli? ⁸Din xgab guin ad źeédtan por Dios, b́en gule léjt. ⁹Zeel gol gojp cudad “din con ta'nnijt zajc gusquiee reeman gradi.” ¹⁰Per naj ra'pan Cristo confians guial ad zusa'ntidi ni basidan léjt. Abi' Dios gudééd casti b́en cusquiee ree léjt, majsi chutééznin. ¹¹Bal ŕen guial rüjn naguiejn chu' ree bejn sen, ad zazunaltri ree b́en Israel naj. Ziangajc bal guién guial rayal chu' ree bejn sen, ŕen guiéban guial achet lasajc guial güjt Cristo loj crüjz. ¹²Balzianclaa gra ree b́en ruslen léjt guial rayal chu'di sen, imejorli gutüüg laagajc reeman tiblyaaa!

¹³Din léjt ma gulaadi loj ley, per ad guial ad rniabeetri ley léjt din güüнди ni réntzidi, rayal guiéandi güün t́eé yudar lasa'di. ¹⁴Din con tijbzi mandamient ma been bejn gra zi'c rniabee xley Dios. Mandamient guin ŕeb: “Guyén ben ren zi'c ŕen lüj gajc.” ¹⁵Per bal rdxe'ch lasa'di abi' rdilidi, gol gojp cudad chitéé zianzi la' lasa'di.

Guialnaban ni runee xSprijt Dios

¹⁶Zeel rnin lojdi: Gol gubajn zi'c rniabee xSprijt Dios guibandi. Ad guibanridi zi'ctzi naj xixgabidi. ¹⁷Din guial rbajn bejn zi'ctzi naj xixgabaman, ad najtan zi'c rniabee xSprijt Dios guiban bejn. Abi' zi'c rniabee xSprijt Dios guiban bejn, ad najtan guial guiban bejn zi'ctzi naj xixgabaman. Ni'qui laan ni'qui zi'c

rniabee xSprijt Dios ad najtan tibloj. Zeel ad zajct guiban bejn zi'ctzi ŕenman. ¹⁸Per bal xSprijt Dios naj b́en rniabee lějt dxel ad rniabeetri ley lějt. ¹⁹Yan laa rguien gajc con ree nin zěed con xixgabzi ree bejn: Gualrzuně xinguaaaw ren o b́engunaa ren, gualrřijn bejn nidxuudx, gualrajp bejn gadxagayaa vijs, ²⁰gual ŕen bejn graloj ni naladxaman naj Dios, gual rřijn bejn gualbidxaa, gualrdxe'ch lasa', gualrdil, gualrzěěbladx ni rajp bejn, gualralenya', gualrlies xvalor gajc, gualrlia' lasa' bejn, gual ru loj tıbcwaa bejn o stıb cwaaman, ²¹gualrdědloj, gualrugřijt bejn, gualrzřudx, gualnala ně xhietěz ni mal lasa' ree ni guin. Rugojnan lějt zi'cgajc ma rnin lojdi yaloj, b́en cayřijn ree lasa' ree ni guin ad zayalt reeman lod rniabee Dios.

²²Per ni zěed por xSprijt Dios naj, gualŕen lasa' bejn, gualrabaa, gualrga'dxe luxdoo, gual yu' pacens, gualnaxanladx, gual rajc naza'c, gual rřijn cumplid xtiidx, ²³gual rřijn naya, gualrniabee bejn xixgab mal gajcaman. Abi' ad yu't ley ni rudxoon gual gřiin bejn ni guin ree. ²⁴Abi' ree b́en ma naj xbejn Cristo ma basa'n reeman gra dol, ně gra ree ni mal ni ŕen reeman gřiin reeman din ma gřijt Cristo por gra dol. ²⁵Yan bal ma nabajn ree con xSprijt Dios rayal yabajn ree zi'c rniabee Sprijt guin yabajn ree.

²⁶Ad yales dux valor gajc ree, ad yache'ch du lasa' ree, ad yadědloj du lasa' ree.

Yaguieen du lasa' ree yudar

6 Compniar raliduladx ree Jesucrist, rnin lějt, bal chu

xcompniaridi rřijn dol gan, lějt gual ma rajquidi mazri xtiidx Dios gol guneeněman con ganax ree diidxza'c, din rayal cu'guijquidi gual nęgajc lějt zajc gřiin dol lějt gan. ²Gol gogně lasa'di loj xhietěz gualzi ni rdědidi, zian ma cayřjndi ni rniabee Cristo gřiindi.

³Bal yu' b́en ni naladx gual rajcaman gra abi' achetctzi rajcaman, dxel laagajcaman cusquiee laaman. ⁴Tıjbgaj bejn rayal gřiin xgab bal nabancaman xnejz. Abi' bal nabanman xnejz, tıjzı laaman rayal yabaa luar gřiinman xgab gual nabanman zagdxe loj gra ree bejn. ⁵Din tıjbgaj dunuj ree rayal yaya'p ree xhienaag yabajn ree.

⁶Chutěz b́en cusiid xtiidx Dios, rayal gřiinman yudar b́en culři laaman con ni ryaadxaman.

⁷Ad gusquiee lějt gajc, din achut zajc guze' Dios. Ni rxřibin bejn laagajcan yato'paman. ⁸Bal nabanman zi'ctzi naj xixgabaman zadxin dxej yayalaman casti. Per b́en naban zi'c rniabee xSprijt Dios, por Sprijt guin yayalaman gualnaban tiblayaa delant loj Dios. ⁹Ad rayalt yadxag ree gual yaguieen ree ni zagdxe, din bal id zadxag ree chi guidxin dxej yaca' ree ni yayal ree. ¹⁰Zeel beegaj gunen dunuj ree rayal yaguieen ree yudar bejn ree, abi' mazri con dux compniar ree b́en rlıladx ree Jesucrist.

Xconsejw Pab

¹¹Gol baguiaa xi narooob ree lejtr ni cucan par lějt con quıjyb yan. ¹²B́en cayřijn ree naguiejn chu'di sen, rřijn reeman zian par yaya'n reeman zagdxe loj ree bejn luar sagdiaj reeman gual rlıladx

reeman Jesucrist. ¹³Per ni'qui ree b́en yu' sen guin ad ŕijnt reeman gra zi'c ŕeb ley guin. Ŕenzi reeman chu'di sen guin din ǵuun reeman nabë guial ma been reeman gan yu'di sen guin. ¹⁴Per naj achet por ni ǵunan nabë, tijbzi por guialǵijt Dad Jesucrist. Abi' guial ǵijtaman loj cŕijz ma basa'nan gra ree ni mal yu' loj guidxliuj guie abi' ma ǵijtán par ree ni mal guin. ¹⁵Din chi ma naj bejn tijbzi con Cristo, achet lasajc bal yu' bejn sen o ad

yu'taman sen. Ni mazri lasajc naj guial ma bachaa zi'c nabanman.

¹⁶Abi' ree b́en ma zinal xnejz Cristo, Dios yaya laa reeman yabe'cdxe t́eëman luxdoo reeman në gra ree b́en diidxli naj xbejn Dios.

¹⁷Diizd yan ad ŕentran chu guche'ch naj. Din dib ni ca ree ladan laa reen rulüü guial najn xiapóstol Jesucrist.

¹⁸Compniar raliduladx ree Jesucrist, dux Dad ree Jesucrist ǵüünle' gradi. Amén.